

艺文小引

自龙门志名卿贤士以七十列传而后孟坚蔚宗诸人皆有撰述此经世不朽之大业家谱之作亦有列传非敢僭拟于国史也吕新吾先生曰族谱每世一修无论士庶有一行之长者必录所以劝来者也吾族自重九十二公迁湘以来俱以忠厚传家耕读为本越数世而文章政事颇著成绩自是以后垂于郡邑乘者代不绝人吾有郡邑乘所未登而嘉言卓行除著作外为当代名公所品题者悉载无遗俾后之尊崇先德者有所禀承并示后之人睹此而知能如是则传不如是则不传其隐寓劝励者深矣

